

Naqqiut

Saqqummiussissut 12.03.2026-meersoq taarserpaa

(Inatsisissatut siunnersuutip kalaallisuuata qallunaatuatalu qulequtaannik aaqqiisoqarpoq)

Uunga siunnersuut: Unammilleqatigiinneq pillugu Inatsisartut Inatsisaata allanngortinnissaa pillugu Inatsisartut Inatsisaat

(Niuertarfinnik paasiniaaneq, immikkoortortamik misissuinerit, Unammilleqatigiinnermut Ataatsimiititaliap toqqaanera, taasinnermut maleruagassat ingerlasinnaassuserlu, suliffeqarfiup paasissutissanik imminnermut tunngasunik takunnissinnaassusaa, killigitamik unitsitsineq il.il.)

(Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

Saqqummiussissut

(Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

Siullermeerneqarnera

Matumuuna Naalakkersuisut sinnerlugit siunnersuut: Unammilleqatigiinneq pillugu Inatsisartut Inatsisaata allanngortinneqarnera saqqummiutissavara.

Inatsisip allanngortinneqarnissaanut pingaarnertut siunertat ilaat tassaavoq, unammilleqatigiinneq sunniuteqarluartoq atuisunut iluaqutaasusaaq kaammattorniarlugu unammilleqatigiinnermut oqartussat sakkussanik nutaanik tunineqarnissaat.

Inatsisissatut siunnersuutip unammilleqatigiinnermut oqartussat niuffaffinni misissuisinnaanissaminnut aamma inuussutissarsiornikkut ingerlataqarfinni aalajangersimasuni misissuisinnaanissaminnut ilaatigut inatsisitigut pisinnaalertitsivoq.

Atuisartunut akit qaffakkiartorerisa pissutaallutik, pisisinnaassutsillu appariartunnginnissaanut suliniutit pitsanngorsarnissaanut pisariaqartitsineq pissutaalluni Inatsisartut aaliangerput, 2026-mut 2027-mullu Inatsisartut aningaasanut inatsisaanni niuffaffinni misissuinissamut aningaasaliisoqassasoq.

Inuinnarnut pisiniarfiit iluanaarutaanik misissuisoqarnissaanut periarfissitsiniarluni, innuttaasullu nerisassat tungaatigut pisisinnaassusaata ineriartornerat pillugu suliaqartarnerit paasiuminarnissaanik qaffannissamut suliniuteqarnissamik periarfissitsinarluni, Naalakkersuisut inatsisimik uuminnga allannguinermik siunnersuinermini

unammilleqatigiinnermut oqartussat tamanna pillugu misissuinissaminnut sakkussanik nutaanik pissapput.

Tamatuma saniatigut Naalackersuisut siunnersuipput Unammilleqatigiinnermut Ataatsimiititaliap katitigaanera allanngortinneqassasoq, taamaasilluni ilaasorta q ataaseq atuisartunut pissutsinik ilisimasaqarluartoq toqqarneqassasoq. Allanngortitsineq pisariaqarpoq, ulloq manna atuisartut pisinnaatitaaffii pillugit suliaqartartunik kattuffeqannginnami Unammilleqatigiinnermut Ataatsimiititaliamut innersuussisinnaasoqarani.

Unammilleqatigiinnermut oqartussaasut immikkoortortamik misissuinissaminnut nutaanik sakkussaqaalerneranni niuffaffiup paasiuminarnera qaffassarneqassaaq tamatumunngalu inuiaqatigiinnut iluaqutinngortinneqarluni.

Taamatut oqaaseqarnikkut siunnersuut Inatsisartut akuersaartumik suliarinissaanut ingerlateqqippara.